

評曰：此是大菩薩境界，雖非凡夫所及，然不可不知。

大集經

法悟比丘，二萬年中，常修念佛，無有睡眠，不生貪瞋等，不念親屬衣食資身之具。

念佛三昧經

舍利佛二十年中，常勤修習毗婆舍那，行住坐臥，正念觀察，曾無動亂。

自在王菩薩經

金剛齊比丘修習正法，諸魔隱身伺之，千歲伺之，不見一念心散可得惱亂。

如來智印經

輪王慧起捨國出家，三千歲繫念，亦不倚臥。